

ՔԱՆԱՍՏԵՂԾՈՒԹԻՒՆՆԵՐ

Լ Ե Ռ Ե Ն Ց Ի

Ծիծաղեցէք, իմ ընկերներ, վշտիւ վրայ,
Տարօրինակ անգամ թող նա ձեզ թըլայ,
Համարեցէք նրան հիւանդի զաւանցանք—
Ինչ չեն խալթում ձեր ծիծաղն ու կըշտամբանք:

Ծիծաղեցէք, եթէ նրա մէջ չէք տեսնում
Մի երկայն շարք մտածումների, սէւ, տրտում
Մտածումների, որ չեն գտնում պատասխան,
Որ օժիտ է ինչ մեր կեանքից չուռաւկան:

Ծիծաղեցէք. բայց գիտցէք, որ իմ վիշտը
Չէ ինչ յատուկ. նրան զգացել է ձեր սիրտը,
Նա թագնւած է ձեր ծիծաղի տակ անշայն:
Երանի՛ նրան երբէք չը զգաք ինչ նըման:

Քանձըր մշուշի պէս շուրջ խաւարն է տիրում,
Լոկ խորերում, ինչպէս արևն ամպերում,
Մի պայծառ լոյս ճգնում է նրան պատառել,
Յայտնւել, փայլել, չորս կողմ մըշուշը ցրւել:

Բայց սոսկում ենք մենք սյու լոյսից բաղդաբեր՝
Նզովւած կեանքի դարձած տըգեղ ըստրուկներ,

Մինչ մեր ետև թաղւած վիհի խաւարում՝
Ընդհանրութիւնն խոր տնքում է, մահանում...

Ծիծաղեցէք, իմ ընկերներ, վշտիս վրայ,
Թէ նրա գաղտնի միտքըն անյայտ ձեզ մընայ,
Երանի՛ ձեր ծիծաղից յետ բնաւ անյայտ
Դուք չը թափէք արտասուքներ, որպէս ես:

9 յուլիսի, 1890 թ.

*
* *

Մի՛ ջանար դընել սպեղանի վէրքիս.
Թող հոսէ արիւնս. դուռըն տանջանքիս
Նա կը տայ աւարտ—հանդիստ ցանկալի.
Բոպէն էլ բաւ է, որ մարդը մեռնի:

Մի՛ ջանար վէրքիս սպեղանի դընել
Եւ դադարի՛ր զուր արտասուք թափել.
Դու գիտես, որ լոկ արիւնն կը լինի
Մարդկութեան ցաւի միակ սպեղանի:

3 մայիսի, 1891 թ.

Այս փտող աշխարհի արգանդից վիժւած՝
Որդները քաղցի ու թըշուառութեան,
Որդները կեանքի անարդարութեան
Նոյն իրանց մօրը մարմնում ցամաքած
Ի՛նչքե՛լ են իրանց ախտաւոր բոյնը,
Տարածել նրա մէջ մահաբեր թոյնը:

Եւ հոգարաւոր կողմերից ճաքւած,
Որպէս տիրողի հնացած ապարան,
Այդ հին աշխարհը որոտանուման
Կը կործանւէ՝ հիմքն արմատից փրլած,
Արեան անձրևով ողջ շաղախելով,
Դիերի լեռներ չորս կողմ կանգնելով:

Բայց լըղի է այդ աշխարհը հնացած.
Ուրնալի ժամին ծննդաբերութեան
Պիտ ծագեն օրերն սուրբ արդարութեան...
Փըլի՛ր, կործանւի՛ր, աշխարհ զառամած.
Թո՛ղ տանջւած մօրը ցաւից դժոխսլին
Ծագէ զաւակին մի կեանք դրախտային...